


Mantegnair la valur da la forza idraulica

Da las tractativas da l'ultima sesida da la regenza grischuna

■ (cc) La regenza grischuna ha prendi enconuschientscha d'in rapport intermediar davart la planisaziun da mesiras tar centralas d'ovras electricas nua ch'i pon resultar grondas midadas da la deflussiun da l'aua. Medemamain è vegnì deliberà in rapport intermediar davart obstachels ch'èn vegnids creads d'ovras electricas e che impedeschan la migraziun dals peschs.

Examinà 23 centralas d'ovras electricas

En connex cun las midadas da la lescha federala davart la protecziun da las auas sto il chantun Grischun controllar sche las auas vegnan disturbadas considerablain da las grondas midadas da la deflussiun che resultan tar centralas d'ovras electricas. Vers mez 2013 ha l'uffizi per la natira e l'ambient inoltrà in rapport intermediar en chausa a l'Uffizi federal d'ambient (Ufam). En il chantun Grischun datti 30 centralas d'ovras electricas nua ch'i pon resultar grondas midadas da la deflussiun da l'aua. 23 centralas d'ovras electricas en la Tumleasta, vi dal Rain anteriur e vi da la Moesa èn gia vegnidas examinadas per gronda part e tar trai da questas centralas (Ladral, Pintrun e Russein) èsi sa mussà ch'i na vegnan chaschunads nagins disturbis tras grondas midadas da la deflussiun da l'aua u ch'ìls disturbis èn gia vegnids eliminads (Russein). Ulteriuras set centralas vi dals flums Landquart, Landwasser, Plessur, Poschiavino e Maira ston anc vegnir controlladas fin la fin da l'onn 2014. Las controllas cumpiglian scleriments voluminus da l'ecologia d'aua e la planisaziun da mesiras da sanaziun en cas da centralas che chaschunan disturbis considerabels. Sin basa da la planisaziun ch'ìls chantuns ston inoltrar fin la fin da l'onn 2014 al Ufam ston ils possessurs da las ovras electricas alura examinar mesiras adattadas ed elavurar in project da sanaziun. Avant che realisar las mesiras pon ils possessurs da las ovras electricas inoltrar a l'autorità competenta ina dumonda da restituir ils custs.



Il chantun ha examinà sche las ovras electricas adempleschan las prescripziuns legalas davart la protecziun da las auas. Nossa foto mussa la scala da peschs a Domat.

Prendi enconuschientscha d'in rapport intermediar

Ultra da quai ha la regenza prendi en-

schan la migraziun dals peschs. Il rapport intermediar davart obstachels che impedeschan la migraziun dals peschs ha l'uffizi da chatscha e pestga inoltrà al Ufam a temp avant ils 31 da december 2013. Quel cuntegna tut ils stabiliments che tutgan tar in'ovra electrica e che sa chattan en auas cun peschs. I sto vegnir giuditgà sche mesiras da sanaziun ston vegnir realisadas tar quest stabiliments.

En spezial ston vegnir designads quels stabiliments tar ils quals mesiras da sanaziun na vegnan betg en dumonda. Tar ils ins custan las sanaziuns memia bler, tar ils auters è il spazi da viver gudagnà memia pitschen. Tut en tut datti 140 obstachels ch'èn vegnids creads d'ovras electricas. Da quels ston probablain 85 vegnir sanads. Fin l'onn 2014 sto vegnir inoltrada la planisaziun definitiva da las mesiras. Quella cuntegna indicaziuns davart ils stabiliments che ston vegnir sanads definitivamain sco er infurmaziuns davart il gener da las mesiras

Regenza s'engascha per mantegnair la valur da la forza idraulica

Il chantun Grischun inoltescha tar la confederaziun ina iniziativa dal chantun concernent il mantegniment da la valur da la forza idraulica svizra. Qua tras realisescha la regenza ina incumbensa dal cussegl grond ch'è vegnida acceptada en la sessiun d'avrigl 2013. L'iniziativa dal chantun en furma d'ina proposta generala pretenda che la confederaziun adattia la lescha d'energia. A l'augment intenziunà actualmain dals meds da promoziun, en spezial per indrizs fotovoltaics subvenziunabels, ston vegnir renunzià ed il model existent per promover energias regenerablas sto vegnir remplazzà tras in model ch'è orientà al martgà. Sch'il model da promoziun duai vegnir mantegnì e/u sch'ìls meds da promoziun duain vegnir augmentads duai l'exclusiun da la forza idraulica sur 10 megawatts vegnir abolida.